

Para Pablo Castro o Laboratorio é un espazo de participación social coa idea de mellorar a sociedade, un espazo onde crear nexos de unión entre xente diferente.

Entre os **riscos** de poñer en funcionamento esta idea estaría: a **apropiación da idea** do laboratorio e a influencia nuns valores equivocados no laboratorio. Ve necesario a definición e darlles visibilidade para que toda a xente teña coñecemento dos valores que defende o grupo, a comunidade.

Identifica na participación e na lonxitude do evento outro risco. Un gran número de xente participante o fai de forma voluntaria, dedicándolle tempo libre, e ao final pode non ser sostible. Tamén ve importante que a xente vexa a **utilidade do que se fai**, a utilidade no día a día. Recorda que cando estas invertendo o teu tempo libre netas cousas se non ves os resultados na sociedade a xente desanímase.

Con respecto as temáticas que se van tratar no Co-lab, engade que como profesional do ámbito do coñecemento aberto gustaríalle resaltar que o tema da cultura libre xurdiu dentro do software e da tecnoloxía, da filosofía do software libre. A idea era darlle unhas liberdades aos usuarios que non tiñan, uns valores. **O código debe ser libre** para que se poida ver e para que se poida modificar, deixando un pouco de lado os valores. Na súa idea sobre o coñecemento aberto propón cambiar o de aberto por libre. Mais enfocado nos valores e en darlle poder á xente.

Considera que a tecnoloxía hoxe en día debería ser algo transversal ao proxecto, de igual modo que a cultura libre, que non deberían ser eixos temáticos concreto senón algo que pode empapar o resto dos eixos.

Sobre outros temas transversais que inflúen na definición do Laboratorio coma son *Réxime Xurídico e personalidade do laboratorio*, *Espazo e localización*, *Autonomía e escala*, *Modelo de xestión e Eixos de actuación*, considera que estaría ben que iso se falara nas Xornadas, ou un porcentaxe alto destes temas polo menos e se definisen un pouco máis adiante.

A súa intención participando no Co-Lab é coñecer xente doutros ámbitos; coñecer xente diferente á da tecnoloxía, coa que poder facer cousas ou recibir ideas. Conectar con xente que pode estar interesada pola idea da cultura libre e que poida traballar con eles, apoiando e difundindo a tecnoloxía e o coñecemento libre.

Entende que pode aportar ao Co-Lab a **experiencia** de 18 anos facendo actividades relacionadas coa **tecnoloxía e coa tecnoloxía libre**, compartindo o coñecemento das charlas e conferencias que ten dado e os **contactos** froito da súa actividade